



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd non sit palma victoriae, sine labore certaminis. liii.

urn:nbn:de:hbz:466:1-10722

ratione prohibet, cum dicit: Tantum in eum ne extendas manum tuam. Tribus autem modis loquitur diabolus ad Deum, cum vel vias suas insinuat, vel electorum innocentiam fidei criminibus accusat, vel tentandam eandem innocentiam postulat. Vias quippe suas insinuat, qui ait: Circuivi terram, & perambulavi eam. Electorum innocentiam accusat: quia dicit: Nunquid frustra Iob timet Deum? Nonne tu vallasti eum, ac domum eius, vniuersamque substantiam per circuitum? Tentandam eandem innocentiam postulat, cum dicit: Extende manum tuam, & tange cuncta quae possidet, nisi in faciem benedixerit tibi.

Quod non sit palma victoriae sine labore certaminis.

Capitulum LIII. *Ex dialogo Greg.*

Sine labore certaminis, non est palma victoriae. Unde decertauerunt? Malignus quippe spiritus cogitationi, locutioni, atque operi nostro semper adsistit: si fortasse quid inueniat, unde apud examen aeterni iudicis accusator existat. Vis etenim nosse quomodo ad decipiendum semper adsistat? Quidam qui nunc nobiscum sunt, rem quam narrotestantur. Quod vir vitae venerabilis Stephanus nomine, Valeriae provinciae presbyter fuit, huius nostri Bonifacii diaconi, atque dispensatoris ecclesiae, cognatione proximus. Qui quadam die de itinere domum regressus, mancipio suo negligenter loquens praecepit dicens: Veni diabole, discalcia me. Ad cuius vocem mox cœperunt se caligarum corrigiae in summa velocitate dissoluere, ut aperte constaret, quod ei ipse qui nominatus fuit, ad extrahendas caligas, diabolus obedisset. Quod mox ut presbyter vidit, vehementer expauit, magnisque vocibus clamare cœpit dicens: Recede miser, recede: non enim tibi, sed mancipio meo locutus sum. Ad cuius vocem protinus recessit, ita ut inuenta sint magna iam ex parte dissolutae corrigiae, ex parte remanserint. Qua in re colligi potest antiquus hostis, qui iam praesto est corporalibus factis, quam nimis insidiis, nostris cogitationibus insistit.

De creatura, & natura, & ministerio angelorum, in libro of-
& de casu apostatarum. Cap. LIIII. ficiorum sic loquitur.

Angelorum nomen officij est, non naturae. Nam secū-